

中國方志叢書·華北地方·第四三五號

據

清·馬家鼎修，張嘉言纂
清光緒八年刊本

影印

山西省

壽陽縣志



成文出版社有限公司印行



10094304

中國方志叢書·華北地方·第四三五號

據

清·馬家鼎修，張嘉言纂
清光緒八年刊本

影印

山西

壽陽縣志

成文出版社有限公司印行



10094305

中國方志叢書·華北地方·第四三五號

據


清·馬家鼎修，張嘉言纂
光緒八年刊本

影印

山西省

壽陽縣志

(三)



成文出版社有限公司印行



10094306

中華民國六十五年 月臺一版

壽陽縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

龔志序一

原序八篇茲錄其三

披覽圖志與讀史相表裏者也而一州一縣咸各有志俾沿革山川見歷代史者於此可稽因以近察政之體要民之利病故非通古今明吏治則撰次概不足觀歲戊子余奉命撫晉壽陽尹龔君來謁知其有學且

克敬其職也壽陽於春秋馬首邑漢榆次東境縣之設起晉太康中迨元魏氏省入中都徙其戶於大陵城南置受陽縣蓋其時兵燹之餘荒蕪爲墟矣隋名魏所別置爲文水縣而復晉舊縣曰受陽唐貞觀十一年改受作壽始符昔日迄於今不異然新舊唐書受壽參差互

見讀史者莫之能是正壽水控引山谿逕縣治南水北曰陽是以納稱焉其水南入洞渦洞渦者同過也魏收地形志同過水出木瓜嶺一出沾嶺一出大廉山一出原過祠下僅臚四源繼云五水合道故曰同過今是水導沾嶺爲正源左合南谿水導木瓜嶺之源也過壽陽而西塗水出大廉山塗谷南來會之原過水北來會之塗水春秋時以名邑四源之外最大者壽水纏絡四源適中地魏收獨遺之酈道元注水經謂之黑水二子距西晉未遠於壽水俱不聞又況生千百餘年後欲稽古畢得用訂史籍訛文誠匪易易今龔君繕其新纂志稿

請余序其書嚴體例精考核凡舊時相承襲疎失必詳
舉確有證實如謂隋開皇迄唐貞觀是地名受陽凡四
十有八年又魏書神武郡寄治并州界莫識所在茲訪
求得之於縣西北二十里猶名神武村更摭李吉甫元
和郡縣圖志神武故城繫壽陽縣北爲證舊唐書言壽
陽武德三年屬遼州顧景范方輿紀要亦踵其誤茲訂
以武德三年置受州領孟壽陽二縣遼州同是年置領
樂平遼山平城石艾四縣辨遼州乃受州之舛元史河
渠書治河卽漢書上艾之綿曼水水經注云上承桃水
縣東南二十里桃源溝是也桃或作洮遂傳合左氏春

秋臺駘宣汾洮茲則訂以司馬彪云洮出聞喜兩不相
蒙大致精審類如此縣轄二驛當西路達京師衝要
而龔君爲縣餘暇於境內有關施政資稽古者周察不
遺奉是心行之勿怠以蘄適於治理仰承聖天子
命官分治子惠元元之至意其亦若斯之盡其學敬其
職不敢或苟也夫

乾隆三十五年臈月撫晉使者鄂寶撰

龔志序二

余宦遊秦晉視篆所至於地方風土山川人物必徵諸
志乘以備考證而於他州邑志尤殷勤搜羅所閱不啻

數十種獨王九思之志廓康對山之志武功簡嚴精核
最爲愜心後之續纂者亦未敢擅爲更竄別原書爲前
志而以續纂爲後志蓋二百餘年來鮮有儷焉者也仁
和龔君岷山作宰壽陽於廢墜修舉之餘兼有事於邑
乘考壽志康熙十一年暨五十六年邑令吳祚昌李敦
修後距今將六十年其間因革損益代異時殊起而增
葺之宜亟亟也辛卯春緘跡抄本謂余同事一方不可
無言夫志之難久矣憚於稽古者沿革山川踵譌襲訛
不解攬摭蒐討昧於證今者建置田賦因陋就簡未能
條晰貫通往往古蹟則前後敘述牴牾今制則賦役色

目糾紛求其確有證據犁然明備不可多得今岷山於
縣志受陽壽陽之參互洞過桃水之源流亦既根踞史
傳考核糾正如彼而廩廩郵驛之繁瑣金穀徭役之變
更人所據案眩懣難以終日者又能鑿鑿言之如數家
珍如此於以徵疇昔之究度本實心以行實政爲當世
有用之材非如書生紙上空談僅詡博識而已余學殖
荒蕪屢膺編纂之任宜川隴州應州諸志蓋嘗兢兢致
慎不敢詳於古而簡於今岷山是書發凡起例非苟作
者而星野之渺茫八景之鄙陋獨毅然削除尤與余諸
志脗合世之讀者視康王之志廓與武功爲何如也

賜進士奉政大夫知山西平定直隸州事加二級紀錄
三次南豐吳炳撰

龔志序三

余少壯雅游足跡幾半天下自吳越而燕齊而三楚舟
車僕僕每於所遇山川人物風俗謠歌輒思考覈作爲
掌故以自比於楊子雲橐筆載方言之例顧以作客羈
懷事非己責亦竟未有成書歲丙戌成進士筮仕來晉
卽聞壽陽爲燕趙秦蜀咽喉衝要特甚而向係簡缺心
竊疑之是年大中丞彭公悉心籌畫果題請改簡爲
繁而遴余以莅茲土下車之日覽疆域之廣輪覓土宜

之肥瘠稽盈虛見其俗僕茂質魯所謂唐魏遺風猶有
存者蓋深幸政之易成而猶憾夫掌故之未備也爰於
簿書之暇繙閱舊志雖肇修於前令吳君繼續於李君
而體例多所未符記載亦近荒略且相隔五十餘年事
實更懼湮沒篝燈五夜伸紙握槩自治革疆域以至藝
文爲目二十有六彙爲十卷其間蒐羅銘篆博訪耆舊
不遺餘力微者顯之幽者闡之庶秩秩乎有可觀者矣
且夫作志之法上同於史龍門扶風稱極軌焉惟是史
則自表志外紀傳皆寓意褒貶而志乘獎善諱惡與史
殊科長短之義也然猶不敢自是必衷諸輿論而後登

之以隱寓夫開獎鼓舞化民成俗之意我國家重熙
累洽於變之休超軼千古況壽陽去京師千里沐浴
最近苟能羣勉其所可志而深鑒夫所不可志則他日
輶軒採風上之內史夫非猶是唐虞之俗也哉是編也
出自一手爲日以百計蓋舉余生平游歷時所欲記而
未成者移力於此故脫稿頗易若曰才曰學曰識自矜
三長則滋愧矣乾隆三十四年十二月

賜進士出身壽陽縣知縣仁和龔導江謹識

吳志序一 康熙壬子武全文

今年秋邑侯潼陽吳公重修壽陽志成梓之日緘一冊

示予若以予祖貫壽水宜一寓目者予對邑人言索志於今日成志於長吏手亦大難今日何地無長吏何地無志按部徵之舊帙新編纍纍者棟不勝充再覽焉匪苟簡則填砌耳是固非作者不能卽有能者率終其任束縛於功令催科不已盜案繼之獄訟文移奔走迎送又繼之爲令者心目交營筋力孔憊求一息得弄柔翰弗遑也會少暇亦退食暫息肩焉足矣而急功名愛身家者方皇皇爲彌縫計爲陞遷計爲悅親知貽子孫計誰則肯殫精研思作地方迂闊事然則居今日而舉邑志程長吏較三者之中以爲大概不能者十之三不遑

與不肯者十之七今言志若易然獨何故邑人曰君固
壽人胡不聞吳公狀公下車僕素簡易如寒士然每日
出見錢數十向市上買豆腐蔬菜三兩觔入衙齋和粟
米飯啖之慮小民之弗若於訓式於政也自製恆言時
爲演說有爭訟者卽令約長諭解之平焉則已征輸不
差耗爲之期而與之約各自封識納櫃中令一無所與
也以故三年來邑遠近若不知 朝廷有命吏云公則
徐徐理絃誦親文墨手取舊志或輯或釐俚者易繁者
序闕者補之向所謂不能不違與不肯三者皆出公意
量外而志乃裒然告成蓋不見其難而樂其易並非有

意緣飾博一時文章吏治名予聞其言曰質哉邑人不
濫詞書諸冊以俟後此之采風者

吳志序二

康熙壬子趙宏化

康熙十有一載邑侯吳老父臺纂修壽志告成因以一
函寄密予於公餘之暇披而讀之見夫煩簡適宜去取
各當旌貶弗淆確乎如岳峙淵停之不可易始知公之
才不特優於政事而文章更爲當代第一也予自莅密
來蓋六載於茲其殫心竭力旣勤且久然不過與十數
胥吏籌刑名較錢穀區區案牘之餘不暇及也况壽之
民篤驚好訟頑梗不率壽之士曰流鄙糜化導維艱且

冠蓋相望迎送絡繹征比不前輸將竭蹶其他如緝捕盜遞馬役車諸務尤吏所攢眉皺目惡聞厭見者也值此衝疲之域即使龔黃執政召杜宣猷將惴惴焉補掾之不暇矣又安能於戴星之際編風紀俗作此考成不及之間事耶乃公則建義學葺聖廟搆民房與修邑志一時竝舉而厥功無不立就於是知壽之志賴公以修而公之德實因志以彰矣故讀祈旱之章如見其格天之誠焉誦驅虎之文如見其服物之仁焉咏八景次昌黎諸詩如見其惠中秀外之風流焉豈但載山川詳物產紀人才補六十年待修之闕典哉嗚呼志以時續